



Har. P. A. Wolanisko go

Histor
**SECUNDA
NAVIGATIO**

CLASSIS OPALENÆ

Ad fortunas Insulas & Insulas

D U M

ILLVSTRISSIMVS & REVERENDISSIMVS DOMINVS

D. CASIMIRVS

IOANNES

D E B N I N

OPALENSKI

EPISCOPVS CVLMENSIS

Solenni ritu pompâq; CVLMENSEM iniret Sedem.

A.

Regio Varfauienſi Scholarum Piarum Collegio.

Oratorio deſcripta Calamo.

A N N O

Quo velatus carne humana DEVS Itinerarius
eſſe cæpit, 82. ſupra 1600.



Varſaviæ, Excudebat Carolus Ferdinandus Schreiber.

P. Miot. domg. Włodziszei Schol. B.

Phot. ref. 5738.

IN GENTILITIVM
Illustrissimæ DOMVS OPALENÆ Stemma.



33.393. III.
Frustra procellosi concurritis agmine nimbi

Et coniuratos truditis imbre Notos;

Ut tumidis Lechicam Gentem mergatis in undis

Nomen & offusis contumuletis aquis.

Nil horret vestros secura Polonia fluctus

Qua dat OPALENÆ membra vehenda Rati.

Georgius Franciscus Laskowski, Canonicus Lateranensis

Auditor Philosophiæ in eodem Collegio.

Książk

Po

ILLV

D

I

iam ad

mus, n

peragi

non li

bricæ

difficu

STRISSE

sed be

ficum

tute P

Te scia

Te pr

Tibi d

eò qu

mus,

gimus

noren

suit, o

Tuo c

maius

Książka dezynfekowana

Po przeglądnięciu
umyć ręce



A D

ILLVSTRISSIMVM ET REVEREN-
DISSIMVM ANTISTITEM.



Tiam ad nos pertinuit PRÆSVL
ILLVSTRISIME, vt Te Solenni
ritu adoraremus, quem festiuis Cul-
ma celebrat applausibus. Cùm e-
nim nos à Tua non excludas Tutela,
in Venerationem admittis; Imò vbi
iam ad Tuam gratiarum Aram introitum feceri-
mus, reliqua quæ sunt nostræ in Te propensionis
peragimus: à qua tamen ampliùs nobis recedere
non licere, generales affectuum nostrorum Ru-
bricæ constituunt. Et si nullo modo super hac
difficultate velimus dispensari, à Te tamen ILLV-
STRISIME PRÆSVL, præstolamur declarationem,
sed beneuolentiæ. Nec hîc de communi Ponti-
ficum dicimus, sed de Te singulari meritis & Vir-
tute PRÆSVLE. Amoris enim Directorium, cum
Te sciat nostrum Patronum, singularia nobis de
Te præscripsit officia: quæ non dicamus, sed
Tibi dicemus sine tamen Brèuiario, & Diurno,
eò quòd non iam Septem horas Tibi consecra-
mus, sed vitæ tempus. Nec de Te aliam adiun-
gimus orationem, nisi quæ est de secunda ad Ho-
norem nauigatione; quam Cliens Labor compo-
suit, obsequens calamus impressit, deuota Honori
Tuo ora pronunciauêre. Et cùm sis apud nos
maius Celebre, non essent quidem preces adden-

A 2

dæ,

BIBLIOTHECA
UNIV. JAGELL.
GRACOVENSIS

ati.
eranensis
gio.

ГЛАГОЛЪ
ІО ІІІІІІІІІІІІІІІІ
КЪ СЛАВЪ СЪ СЛАВЪ СЛАВЪ



A D

ILLVSTRISSIMVM ET REVEREN-
DISSIMVM ANTISTITEM.

ETiam ad nos pertinuit PRÆSVL
ILLVSTRISIME, vt Te Solenni
ritu adoraremus, quem festiuis Cul-
ma celebrat applausibus. Cùm e-
nim nos à Tua non excludas Tutela,
in Venerationem admittis; Imò vbi
iam ad Tuam gratiarum Aram introitum feceri-
mus, reliqua quæ sunt nostræ in Te propensionis
peragimus: à qua tamen ampliùs nobis recedere
non licere, generales affectuum nostrorum Ru-
bricæ constituunt. Et si nullo modo super hac
difficultate velimus dispensari, à Te tamen ILLV-
STRISIME PRÆSVL, præstolamur declarationem,
sed beneuolentiæ. Nec hîc de communi Ponti-
ficum dicimus, sed de Te singulari meritis & Vir-
tute PRÆSVLE. Amoris enim Directorium, cum
Te sciat nostrum Patronum, singularia nobis de
Te præscripsit officia: quæ non dicamus, sed
Tibi dicemus sine tamen Brëuiario, & Diurno,
eò quòd non iam Septem horas Tibi consecra-
mus, sed vitæ tempus. Nec de Te aliam adiun-
gimus orationem, nisi quæ est de secunda ad Ho-
norem nauigatione; quam Cliens Labor compo-
suit, obsequens calamus impressit, deuota Honori
Tuo ora pronunciauêre. Et cùm sis apud nos
maius Celebre, non essent quidem preces adden-

A 2

da,

BIBLIOTHECA
UNIV. JAG. ELL.
GRACOVENSIS


ati.
cranensis
gio.

da, sed cum & in ferijs de Tuis in Patriam Meritis, de Tuo in nos non feriali beneficio dicamus; etiam eas huic nostro adiungimus Officio, non alias tamen, nisi, quæ pro Tua salute essent efficaces. Hic est Ordo Solennitatis in illum, quem Cliens Amor, studiosa propensio, Acolutha submissio canonizat. Et certè ILLUSTRIS-
SIME PRÆSVL; cum iam pridem de Tua in nos Beneficentia processum fecerimus, sanctum Te Nostrum proclamaremus; nisi quòd Te nobis in Beneficijs largè fundendis Numen præstes. Cæterum pro appendice Ceræmonialis in Te nostræ observantiæ ad easdem Gratiarum Aras suspendimus. Scholas Pias esse Cymbam Tuis Gentilitijs alligatam Triremibus: proinde ad quæcunq; Honoris deflexeris promontoria, illa semper erit affectu Comes, submissione Famula, propensione Manipulum, Ita dicit, & Vouet

ILLUSTRISSIMÆ & REVERENDISSIMÆ
DOMINATIONI VESTRÆ

Deuotum & Submissum

Collegium Varsaviense Scholarum Piarum.



PANEGYRICVS.



Rogredere secundis ventis, quo Te Tua propellunt merita, patrocinantisq; virtutis anteit suffragium. PRÆSVL ILLVSTRISIME. Et certè hic votorum nostrorum fuerat scopus, vt deuios euitares scopulos; hæc desideriorum meta, vt sine metu ad emporia honoris prouehereris, ardua q; purpuratæ felicitatis attingeres promontoria. Nec Clientum Tuorum studia sinister elusit euentus, qui quanquam multa eluctantis annis elidat initia, præsentem tamen votorum decursum, exitu peroptato coronauit. Videlicet illorum tantum exordia similibus non redimiuntur euentibus, quibus nihil palmare, nisi incipere; nihil basilicum, nisi attentare: quosque solum non sauciat, sed satiat desiderium: Quasi iam primus perfectionis gradus, apicem eiusdem constituat, vel vnus inchoans decurrendum stadium passus, viam compleat, aut serenus dies ab aurora commenderetur, non ab occasu. At nostra Acolytha in Tui adorationem & adornationem propensio, ita desideria nutrit, vt certissimo desideriorum euentu lactaretur. Quanquam conscientiosius profitendum est, Tua Virtus meritorumq; æstimatio allaborauit, quod citra omne naufragium decumaniq; fluctus periculum, ad fortunatas Honorum Insulas quia honorarias Insulas appuleris. O quot per tot rerum discrimina ad hoc Honoris Latium deplorandi tendunt Æneæ, non aliam generosi ausus gratitudinem recepturi, quam iniquum exitum & exitium. Verum exantlate vires, enervate robur, nervos intendite, obstinata in Honorem animæ, vt hoc improbo laboris molimine, pertinaciam illius euincatis, duritiem expugnetis, suis obsecundantem nutibus reddatis, elidet & eludet Honor, hæc operosa vestri conatus moliminâ. Emacerate infracti Annibales iuga honoris, duriora comperietis, quam vt vestro euincatur aceto, quinimò in rupem vobis stabit, si ad se expugnandum socia virtutis meritorumq; non senserit auxilia. Sola quippe virtus honoris expugnat arcem, ad solumq; meritorum patet arietem. Mille in centuriata abeant robora, non tamen molle efficiunt honoris ingenium, quod ad solum duntaxat virtutis ictum emollescit; Et quanquam ad omnes machinas occalescat, ad vim tamen meritorum liquefit. Quod si nonnulli honorem nomenclaturâ belluæ, nonnulli feræ insigniant, errat

*Felix navigatio est
per virtutem
ad honorem.*

quisquis hanc belluam domare sine Virtutis suppetijs intendit, vel hanc feram satagit cicurare, sine eiusdem blandimentis. Ut enim est illi suum robur, ita & sua illecebra; hac ut alliciat inescetq; necdum cicurem, illo ut sua retractantem imperia, honorem frangat. Incassum ergò, incassum aureos casses tendimus, quibus volucrem accupemur Honorem, cum eum nec ferreæ concludant cassides. Sola virtus ut stipendiarium, ita ancillantem, suo còercet Imperio.

*Virtuti ho-
mor. subdi-
unt.*

Eccur sub erectum Reginae virtutis sceptrum Honor non procumbat? sub cuius Maiestatem cernuo ritu prouoluuntur vniuersa; Quidquid enim vel per Oratorum indagari scrutini, vel per eruditae indigari pennas, vel per facunda Rhetorum ora pronuntiari potest, hoc totum ad Virtutis mensuram nec produci-
tur, nec assurgit: & quantò Giganteæ illius magnitudini impar repertum fuerit, tantò in semipedalem nanum, pumilionemq; decrescit. Eleuent struthiones, quibus duris pasci pro more est, eleuent suis calamis, quanquam non ad oratorium calamistrum callosos labores, exætas curas, laboriosas vigilias, hæcque æmula Virtuti obijciant, vel eò quòd labor improbus vincat omnia. Simulacra imagini, idola verò Numini opponent. Et iam chamæleontes, quibus leui inconstantis fortunæ vento auraq; satiari est solenne, ingladiatoriam hoc cæcum Numen educunt arenam: Araneam in hoc luctæ & luctûs campo, suis irretitam cassibus & casibus, nostra virtus concludet. Robustior hæc Pallas quàm ut ab hac propudiosa euincatur Arachne: cui vel eò æquiparare indignum, quòd fortuna sit in sola constans inconstantia, cum virtus nunquam hac volubili rota gyretur. Tot sæculorum labor numerosa concentrat artificia, quibus posset solidare, mobilem huius Dæ naturam: Imò sapientes iam suum eliquarunt ingenium in argumenta, quibus posset deuinci & deuinciri eiusdem Dæ insolentia; cespitantem tamen in sua adinueniunt seruitute. Effunde calame, effunde in Fortunam, quidquid inter agnata concludis Tibi arcana, ut tantò humilior descendat à virtute, quantò comptior virtute, sed solis vitijs. Hæc etsi nullibi, in sola tamen inconstantia tenet ordinem, & cum duræ sit ceruicis, flectitur tamen, sed in ruinam. Fortuna enim

*Fortuna For-
tuna.*

Fasces & dubias rotat

Fortuna Myrras. hac modò rusticum

Cras esse vel Regem docebit

Vel famula dare iura Regi.

Quæ dum fauet, ferit; ita, ut sæpe victores corymbi, in funereas taxos abeant; plaususq; tristi quadam metamorphosi in planctum commutentur. Dum ridet, rodit; nam crebrius euenit, ut quos fortunatos oriens aspexerat, ij necdum ad meridiem magnitudinis

gnitudinis euecti, & iam in sua decrescant felicitate, ad occasumq; inclinentur: necdum mane honoris deductum ad prouectiorem spectarunt lucem, & iam vesperam accendi admirentur. Dum fauentiori aurâ adsibilat, exsibilat, dum ridet, irridet:

Sic est supremas quæ dedit auferet.

Fortuna Myrras: nil solidum diu

Stetit, perenne passim

Esse nequit.

Quod Fortuna efficit beatum. Lactat, vt mactet, cachinnat, vt explodat, nutrit, vt enecet, extollit, vt deprimat,

Omne quod Fortuna culmen

Magnificis solidauit ausis.

Patet ruina.

Permittit quidem pressis teneri manibus, sed vt opprimat tenentem; submittit se Metelli arbitrio circumscribendam, sed vt suis eundem legibus cœrceat. Cùm ergo infortunæ risu, rosionem, in blandimentis, morsum, in lenocinijs, virus, in suauitate, aculeum, in cachinno, ærumnas, in calamistio calamitatem, sentiamus, hæc luctatoria arena, virtuti pubescit in laurum, in palmam protuberat, virescit in Coronas. Videlicet etiam aridæ arenæ non sterilescunt in corymbos probitati, quæ cum sit ferax victoriarum, omnem & à desertis locis proscribit infæcunditatem. Verùm enim verò cum & meritum sit germana virtutis soboles, etiam augustis magnæ virtutis ita insistit passibus, vt omne sub ipsius amplitudinem fortunæ abeat cacumen. Est scilicet meritum fortunæ pignus, fœnus gloriæ, auspiciū honoris, triumphorum currus, character nominis, virtutis pretium, æstimationis suppellex, aurora felicitatis; vt quæ vel ad fortunam in bonis, vel gloriam in factis, vel famam in posteris, vel honorem in Prouincijs, vel triumphos in Bellis, vel Felicitatem in publica luce nundinamur, hac supellectile, aurora, pignore, die, auspicio, venire existimemus. Ac proinde vt per noctem itur ad diem, per nubila ad serenum, per spinas ad rosas, per syluescentem dumorum tyrannidem, ad amœna, per absynthium ad thymum, per dura vepreta, ad mollem voluptatem: Ita per meritorum suffragia ad honores, per virtutis calculum ad curules, non deuia præscribuntur itinera. Tutò & Tu PRÆSVL ILLVSTRISSE inimica nouercantis Fortunæ enauigasti Acroceraunia, vel eò, quia lenis Gentilitiæ Classi Tuæ, virtutis adstipulabatur Fauonius, clemens meritorum adspirabat aura. Nullis poterant intercipi, Augusta Tuæ Classis Nauigia angustijs, quas non rudis rerum Palinurus virtus, per flexuosos calles sciuit declinare; facileq; Gentilitia Tua Argo, lanam vellusq; in Purpuram reportauit, cui suus non defuit Typhis, meritum. Assurrexisti

*Meritum
est virtutis
soboles.*

*Tutò ena-
uigas Illu-
strissimus
Præsul per
virtutem
& meritum
ad Hono-
rem.*

ergo ad culmen, non aliâ mensurâ, quàm virtutis atq; merito-
rum. Quæ cum tanta in Te conferant Honorum decora, labo-
rem Te suum & felicissimam profitentur sobolem. Nimirum fa-
cili aditu Purpuram attingit, cuius faber est Virtus & Meritum;
Nec alijs gradibus ad fastigium magnæ pertingit felicitatis, quàm
quos eiusdem virtutis & meritorum Fautor architectatur. Sola
virtus ad fastigiatos honores compendiarie via est; Fortunæ quis-
quis itinere graditur, ad tumultum aberrat.

*Illustrissi-
mo insignia
Præsulea
ab ipsa in-
fanta præ-
parabat
virtus.*

*imprimis
Insulam.*

Eloquere lingua ILLVSTRISSIMUM PRÆSVLEM, qui vel eò sono-
rus, quòd à canora recitatus virtute, iam sileri à labentibus sæcu-
lis non permittitur, vtpotè factis & fastis, etiam post ipsa sera
fata eloquentissimus. Adhuc Te agitabant infantiles cunæ, &
iam curæ obstetricantem hanc Deam sollicitabant, vt corpuscu-
lum Tuum ad suam dilataret capacitatem, animum ad suam Re-
gulam produceret. Menti Tuæ cuiusvis Recti non incapaci,
vittas consuebat Præsuleas, hoc cornuto dilemmate, deuidura
aduersantis Fortunæ argumenta vel retortura. Quanquàm cum
Hercules felicior cresceres in interitum Hydræ (infortunia Patriæ
intelligo) quæ Tuo enecas consilio, nunquam reuidura: quidni
hunc anguem lubricum, Fortunam, adhuc in cunis non elide-
res? Etiam est illorum qui in magnum orbis ituri sunt exemplum,
quiq; palmaribus insistent honorum vestigijs, vt ita sibi stipen-
diariam in cunis Fortunam reddant, vt in canis ab illa centum
extorqueant: Phænici enim affinis est annosa felicitas, nec infra
admirationem descendit, si in constantiam adulta, in congenitam
sibi non repuerascit leuitatem. Verius dicam: E merito Tuo ca-
piti veluti Musarum sedi, bicollem exstruebat Parnassum, præsa-
giens sanè Iouem Te futurum, ex cuius cerebro, doctæ erant pro-
dituræ Pallades, quia salubria consilia, totum in Tuum caput re-
dimendum destinat Parnassum. Vna quippe laurus non sufficit
pro capite multarum rerum capaci, ni eodem par amplæ Menti,
laurum numerus euirelcat. Et certè illi tantum non exoptant
multâ lauru frondescere, quibus cum siluescat caput, ingenium
solos progerminat stolones: vel qui nil gloriosius sibi ducunt,
quàm in his vmbris delitescere, hac tantum contenti luce, quam
ab vmbratili luco & loco deriuant. Generosæ mentes cum vnâ
victoriâ nec vno præclare satiantur facto, exile autumant orna-
mentum, vnâ laurum, ni pluribus corentur. Imò totæ flê-
tuntur in laurus; sobolescent in frondes, in folia explicantur,
veluti feliciores Daphnides, à docto adamatæ Apolline. Benè,
benè ILLVSTRISSE PRÆSVL, ex Tuis infantilibus cunis, virtus lê-
git (quæ etsi aliorum per sæpè mentiantur) Tuæ tamen futuram
metiebantur magnitudinem; Benè, inquam, legit Te futurum
multarum capacem laurum; quia & multorum rectefactorum;
ac pro.

ac proinde hunc Præsuleum Parnassum, ad Te ordinabat coronandum. Videlicet non vna dies impendenda est effingendis ad redimienda Magnorum Heroum capita decoribus, cum virtus vt ad mensuram emeritorum temporum Illustrissimi Præsulis produceret, tot ætates impendit, ac æstates. Et iam post Præsuleas Tænias, etiam manus sanctiori exornat annulo; Quasi necdum fit ad perfectionem decorum, si tantum caput gemmi rutilet, obryzo fulguret, manus hac felicitate orbæ squalcant incomptæ. Verum PRÆSVL ILLVSTRISIME veluti victimam Aræ suæ, virtus Te hoc subharrat annulo: satiùs vt pueritiæ emenso curriculo, felicibus alaudis ad promeritos decurreres honores, hanc Fortunæ rotam Tuo supposuit corpusculo. Vix enim pedibus honor aditur, imò nulla spes est illius, quæ tota in pedes influxit. Sed nec Eques Lescus benè ad expositam honoris metam, quamuis ferreâ cucurrit semitâ, ad quam non coronam sed interitum adinuenit: & qui gloriæ & honoris sænora se sperabat reportaturum funera & mortes reportauit. Non benè ad honorem currit fraudulenta ambitio, quoties astu vel ferreo decurrit itinere. Vt Te ab hoc PRÆSVL ILLVSTRISIME conseruaret infortunio, in Tuum emolumentum virtus intenta, ad fugacem assequendum honorem hoc opportunum prouidit vehiculum. Quem si non nemo Politicorum circularem professus est, hoc gyro circumscribes Honorem, imò in Tuum includes annulum fortunatus Gyges. Et superum fortasse consilio euenit, vt ad Gentilitium Tuum nauigium, etiam hoc aureæ fortunæ accederet essedum, vt à Te nec mari nec terrâ Honor tutus esset. Quem terrâ hoc curriculo mari Gentilitia Naui fugientem inuestigares. Quanquàm vix crederem esse fugacem à Te, quem ad has perpetuas CPALENIÆ Vestræ Domûs Triremes virtus damnauit. Vnde nec Turres Polnanientes Te poterant terrere ab hoc vindicando mancipio. Si cui enim profugo, tum honori non datur murus, ab eoq; incaptiuando nec arces arcere possunt: nec secures securum, nec tela tutum faciunt ab herois mentibus. Sed quem inter mænia nulla propugnarent munia, extra curulem in culmen profugit Gulmense, ratus vel eò se tutiorem, quòd non iam muros sed se obijceret. Verum cessisti, cessisti in prædam. Si te enim non texerunt abdita, aprica in spoliū denudabunt. Quod si campestres Sarmatæ, bene bella gerunt sub Ioue frigido, & hic non abortiuus ab Alite Lechica Pullus, ad tam sublimem euolauit verticem, Te in suas rapturus manubias. Sic qui in herbam & laurum abiturus eras, in culmum nunc abis, quia in Culmensem Mytram. Etsi iam tantum de conflato Tibi à virtute annulo oratoria obganniuit penna, necdum tamen ipsam veritatis attigit medullam. Auro manum Tuam virtus ornat, quæ ferream necessitatem

*Annulum
Præsulis.*

*Pedum
Pontifi-
cale.*

cessitatem fatorum à Patria propulsaret. Si enim illi soli tantum conceditur auro bibere, cui ferrum dulce est, etiam auro illa dextera decoretur, quæ proscripta chalybei sæculi rubigine, auream veluti è postlimino Patriæ felicitatem reduceret & reuocaret. Satiùs signauit dexteram, à qua Sarmatia languentem & labentem suam eleuari Fortunam expectaret. Palmæ Tuæ, quod non steriles Palmarum & Laurum sint, auro coronantur. Nullo quippe magis laurus rependitur, quàm auro; & semper ij quorum Nomina in Historiam orbis euasura sunt, per laurum ad aurum iter volunt. Sic ergo ILLUSTRISSE PRÆSVL cùm totus aureus sis, displices tamen sed solùm inuidæ fatorum rabiei. Ast cùm sit etiam virtutis, aurum auro addere, & pretium pretio, etiam Tibi virtus ad eadem infantiae cunabula argenteos præparabat Scipiones, fluctuantiq; Tuæ dexterae inter fascias intrudebat, vt ab ipsa Infantia baiulando ponderi assuesceres, quod grandior annis & meritis eras succolaturus. Leuiori quippe pondus maturiorem ætatem grauat sarcinâ, si eius non parua pars etiam tenellis infantiae lacertis incumbibat. Sed præfaga mente coniecit virtus, Te futurum Atlantem, qui Patrium versares Zodiacum, fessis aliquando viribus hunc conflauit Scipionem: Quanquàm vix credendum est, vt illi per acerbum sit onus, cui dulcis est amor Patriæ. Veriùs dicam hic Scipio est anteambulo, qui ad auitos honorum decores, Tuam præcederet infantiam: Agnatum enim magna alti Sanguinis germina habent vt adhuc in culmo, & iam ad grandes signentur felicitates, trabeatis destinentur purpuris. Priùs non degener à Paterna linea soboles, vides honorem, quàm solem; prius Te excipit Fortuna, quàm lux & dies: Imò non priùs figis passum in terram quàm in purpuram. Nec alia infantiles vagitus componet cantilena, quàm quæ de Honore occinitur Domui Tuæ famulante.

*Alius Ma-
iorum lan-
guis s. fra-
gorur ad
Secundam
Nauiga-
tionem Il-
lustrissimo
Præsuli.*

Atq; nemo absorbeatur admiratione, quod & Tibi secunda ad honorem euenerit Nauigatio, quem virtus rebellem domuit, domitum, collactaneum & corriualet dedit. Non ita quidem secundam velificationem ad honorarias Insulas virtus direxit, vt etiam singularis eiusdem beatitudinis non detur portio, & Gentilitiæ Tuæ Naui, quæ dum tot Nomina & Numina contineat, citra omne periculum debuit Insulas attingere fortunatas. Trahimus enim cum Sanguine Maiorum Nostrorum, vt virtutes, ita & virtutum pedissequos honores, & quidquid in illos congeritur, in Nepotes copioso redundat torrente: Imò clarior est purpura, quam multis annis maiorum sanguis colorat, si tamen à Successoribus non decoloratur. Quanta Tibi ILLUSTRISSE PRÆSVL. possessio felicitatis accedit ex maiorum Tuorum præclare gestis, ille tantum non conspicit, qui ad lucem eorum vel cæcutit vel lip-
pit:

pit : Quosq; cum virtus ad parem nisum non coniunxerit, invidia exemit. E vestro Cinere reuiuiscite Sarmatici Phænices. quanquam vix credo esse tumulatos, quia præclare gestis cumulatos. Non potuit vobis fatum vitam eripere, quam dedit Recti virtus conscia. Laxamus calamos pro elaborando NICOLAI OPALENSKI Cancellariæ Silesiæ elogio, qui nec suo sudori nec hostili cruori temperauit. Etiam nostros fastos impleat suo Nomine, quia famâ Orbem impleuit. Post dutos thoracis amplexus, mollior eum charta ambiat. Et bene paginæ inscribitur, utpote qui se prius in pectoribus barbaricis inscripsit. Exaratur non oblitterandus, quia non alio colore & calore, quam Martio: securus quippè sit de immortalitate, quem melius hosticus, cruor quàm atrata sepiâ notat in annalibus membranisque. Viuis & Tu NICOLAE OPALENSKI, quem quamuis tumba texit, clara tamen famæ tuba, successuris buccinat ætatibus, post ipsaque fata superstites euoluis annos. Nimirum,

*Nicolaus
Opalenski
Cancellarius
Silesiæ
ceditur
in syl-
uis à Scy-
this.*

*Mori nequit
Cui vitam perennem
Barbarica peperere mortēs.*

Iuissi ad immortalitatem non alijs gradibus, quàm quos ex recisis Scytharum capitibus construxeras. Callent adhuc syluæ effuso Tartarorum cruore exauulsisque arborum frondibus plus gloriæ; quàm sanguinis hostilis promanauit nec in arborum folijs aliud notatur, quàm spolia, manubiaq; hostibus detractæ, vel ideò Sarmaticæ Actæon, pharetratos crede lepores, quòd timore prælij in syluas abigantur. Sed cum sit nullibi tutus locus hostili perfidiæ, nec umbratiles eos protexerunt syluæ, ferarum tantum asylum. Etsi non feræ, efferæ tamen mentes, idcirco ad syluas maturant, ut deponant inter feras, quidquid inter homines humanitatis acquisuerint. Age præliantis Orphee, in Tartarum non plectro sed gladio, non inflauit nobis melos efficies, quia gemitum hostium. Et iam agit Tartarum in saltum, in quo non franguntur ceruices, sed præciduntur. In hac Belli chorea, sponte noluerunt adorare Poloniam, depositis capitibus eam venerari coguntur. Insolentem sanè Martiæ Fortitudinis concentum, ad quem non pedes duntaxat, sed ad ipsa saliant capita: Dumq; robur Martium canit, hostis cadit. Sic sic Sarmatæ in ceruicibus hosticis ludite, ut illudatis hosti: de quo vestris armis tragoediam composituri, eiusmodi lessos præcinite, quibus sopiretur hostis, nunquam reuicturus; vel qui ab eo pro lacrymis sanguinem extorquerent. Pulchrum vobis inter hos ferales hosti actus, perennantis Famæ exstrueretis theatrum, nullo obliuionis tegendum proscenio. Ille duntaxat eiusmodi velo obducitur, qui scenas tantum Fortitudinis, & non veram gerit Historiam.

Non personatus Heros, in hac gerendi Belli tragicomoedia, NICOLAVS OPALENSKI [scenico enim milite seria Patriæ calamitas non eget, præsertim ubi fortuna eius non ad comœdiales sed Tragicos actus inclinatur] non personatus, inquam, Heros NICOLAVS OPALENSKI, veleò, quòd post antiprologos præliaris velitationis, post tot actus concurrentium virium & virorum, post iniquæ Fortunæ interludia, post Martialis alexæ intermedia, Epilogum facit vitæ tantum, non furoris in hostem. Etiam in emortuis Herorum cineribus, scintillant odia in hostem non prius extinguenda quàm hostis. Lacrymas tunde calame; laxiori enim debebas dispensare profusione atramentum, in NICOLAVM OPALENSKI, cum ille ab educendo hostili cruore, tum abstinuit, cum à vitâ. Solue ergo calame pro colore lacrymas, quia Scythæ NICOLAI OPALENSKI armis adaecti, pro tributo sanguinem dederunt. Ergo moreris Heros inuicte qui ipsi fato mortem credebaris inferre. Sic est sæpe à Martia lauro, spurius stolo pullulat cupressus. Sed.

Sta Calame

Vt Patria non nutabunda staret;

NICOLAVS OPALENSKI Cancellarides Silesiæ
cecidit.

Non prius tamen vitam deposuit,
quàm capita hostium.

Nec prius vincere, quàm & viuere desijt.
Superstites hostes

Corporis sui mole obruturus.
Helluo cruoris hostilis.

Abstinuit tantum à uitijis, non ab effundendo hostis sanguine.

Quia Sarmaticus NICOLAVS.

Nullibi magis odit frugalitatem quàm in cædendo
Heroa virtus.

Verum eodem ictu hostem & Te,
ac Patriæ solatia perfodisti.
videlicet.

Instar Magnarum Molium Heròes Animæ.
nunquam solæ cadunt.

Quasi non ad Funebrem Pompam sit ipsæ
si solitariæ incedant.

Et non Parentalibus stipatæ doloribus,
Gloriam si quæris

NICOLAI OPALENSKI.

In cervicibus hostium legas impressam:
Nullibi quippe præclara facta perennant.
quàm in cinere hostili.

Iuuat hic puluis memoriam posteritatis

In

In sylvis hostem cædit
In illis venatus sibi periculum & mortem,
Patriæ securitatem.

Ibi cùm tot hostes detruncasset,
ipse non ignobilis cadit truncus.

Ex quo

Laurus victoriarum pullulasset.
In recentem Polonia laurum reuiuisceret,
Si sæpius eiusmodi implantaretur stipitibus.

Sed Tu

Perenna in memoria sæculorum,
NICOLAE OPALENSKI.
Quot vt adderes annos Poloniæ,
Tibi decerpisti.

Non esset quidem parcendum parentali dolori, quem triste
fatum Illustris Herois, à gratis pectoribus extorquet, sed cùm
superstites eiusdem OPALENIÆ Domûs Heroes, flebilem dolorem
leniant, ab epicedo ad epinicion reuocamus calamum & animum.
Et imprimis latepatentibus chartis sese insinuat MATTHIAS OPA-
LENSKI Succamerarius Posnaniensis à Nomine OPALENIORVM vt
non degener, ita nec à virtute. Vbiq; non infortunatus, quia
MATTHIAS vbiq; magnus, nisi maior voluit esse, quam dici, suâ
gloriâ & martiali virtute. Laurus illi virebant & canâ hyeme
profuso humectatæ tabo, & quamuis candida, rubescere tamen
est coacta, ad hosticum cruorem. Et quia benè gloriæ decurre-
bas stadia, Equitis Lithuanix studium ad certamen euocasti. sed
humanitate. Associauit te Vitoldus Dux Lithuanix ad latus,
suam salutem tuæ concediturus tutelæ, in cuius sinu securè quie-
uit Patria, à qua omnem propulsabas timorem, in pectora hosti-
litis. Nempe sciuit nullibi commodiorem esse securitatem,
quam in fortium ferro, quorum pectus nulla pulsât perfidia, nisi
hostium, vt eam vlciscantur. Accessisti ergo Lithuanix, ita ta-
men, vt non diminuereris Sarmatiæ. Et sanè si quando poten-
tius virtus Lithuana emicuit, tum te vnito. Vbi cùm hostibus
ictus, etiam has trabales literas imprimebas, Sarmatas nullis ter-
reri periculis, suisq; illos malis crescere. Non lentiori passu sese
infert, & JACOBVS OPALENSKI Equitum catafractorû Magister, vt-
pote qui precoci maturitate in auge bellicæ virtutis festinabat,
etiam non testudo in aternitatem, sed aquila euolauit. Legit
huius Hectoris Pomerania, imò sentit vestigium, quia hiantibus
in sculptum vulneribus: quanquam nec ille sine vulnere, quia non
sine immortalis nomine. Addiscite caro emi immortale nomen,
illudq; solis posse nundinari cicatricibus. Addiscite immortale
nomen mollibus non cubare culcitris, cum IOANNES OPALENSKI,

*Matthias
Opalenski
Succame-
rarius Po-
snaniensis.*

illud sibi compareret, inter duros ægidum amplexus, non decubuit, sed occubuit. Videlicet nemo ignavis passibus eluctatur, ad non interituræ memoriæ Capitolium. Viuis tamen NICOLAE OPALENSKI, qui post tot creptas hostibus vitas, etiam tuam dedisti Patriæ. Semper orbis adorabit Tuâ fortunam, quamuis cæsam, tamen triumphantem. Sola enim.

Nequit mori.

Quæ Bellicosæ immoritur iugis.

Fortuna, caelestiq; magnum

Et umulo caput equat orbi.

Mareschales ex Illustrissima Domo Opaleniorum 124 annis non interruptis succedunt.

Erigimus hic Stylum nostrum, quia & OPALENIA Domus in Senatorias Honores Curules attollitur. Nec calamus atteritur, quia in nouas laudum, & argumentorum inuolat materias: ipsa manus non pigrescit, in elaborandis Magnis Nominibus Elogijs, quam Mareschales OPALENIORVM protrudunt Scipiones. Poterit ne Illustrissime OPALENIORVM sanguis Tua Fortuna his in nixa Scipionibus aliquando esse procidua, poterit sanè imò est, sed in Tui venerationem. Citò illa reposcit quæ dedit, Tibi ita candida, vt in Tuis tantum obsequijs consensuisse videatur. Apud alios vix paucis commoratur annis apud te sæcula impendit. Et cum alijs vitream, tibi se gemmam exhibuit. Vbi non interruptis centum viginti quatuor annis, fidele Tibi præstitit famulitium: quæ tamen post multa opera, ne laxaretur in ruinam, Vestris Magni Manes sustentabatis Scipionibus. Probè caluisti, Illustrissime ANDREA OPALENSKI hoc fulcro & tuam fortunam & Poloniæ sustinere; Caluisti hoc Caducæo motos componere fluctus, & suauiter demulcere. Videre erat nostræ Reipublicæ turbulentum Statum, multis discordiarum concussum machinis: decertabat illa pro vno Principe, dineris votis; & prout animo vel odio in quemq; propendebat, ita studio, vel odio, in quæ ferebatur. Trahebat partē Reipublicæ Stephani Batthorei virtus, optimi & meritiissimi de hac Republica Regis: cuius gesta multorum Historicorū manus lassarunt, attriuerunt calamos, exhauserunt atramentum. Alteram Reipublicæ partem ad Maximilianum Austriacum, sibi ingenito aurum pelliciebat ienocinio. Credimus iam effato vridici vatis

Aurum per medios ire satellites

cum nostros Sarmatas, ita pulsauit, vt expugnasset. Credimus posse aurum ipsos expugnare montes, cum tam valido mentes ariete concutiat. Quod cum habeat ingenium in pedibus, sapientissima quæq; dementat capita. Sicque hoc aureo imbre asperisas in Sarmatia glebas credidisset Saturnia germinare sæcula, attamen ferreos est experta dies, eos in ferro martiali peragendo. Post hanc auream inundationem Zizania in aruis Sarmaticis pullularunt. Quid tu magnanime Heros egisti? imò

quid

quid non egisti? auro dementatas mentes Sarmatarum ad melio-
 ra reuocas, in obcæcatos illorum oculos solem adducis, quia
 Principem & Regem Batthorem, quosq; tuâ suadâ non flectis,
 largâ munerum profusione frangis; non inconsultâ tamen, nam
 dabas, non proiciebas beneficia. Videlicet docuisti hîc plura
 capita, bene in vnum sensum coalescere. Sic ergo, non dispen-
 dium substantiæ, te poterat à componenda Republica auellere,
 eò quod cum ipsi magna dederis, maiora tamen accepisti. Ne-
 mo enim tam numerosa, in Rempubicam effundere potest libe-
 ralitatiis congiaria, vt numerosiora ab ea non exhauriat.
 Non difficultas viarum, totq; sinuosi montium anfractus,
 impedire te poterant, ab educendo è Transyluano solo ad
 solium Polonum Principe, imò tuismet malis & periculis cre-
 scere videbaris. Docuisti generosam indolem nunquam per mol-
 lia incedere, virisq; fortibus aduersa esse, Lydium lapidem tan-
 tum, quo explorentur non allidantur. Nec maiori curæ tibi fuit
 tuæ salutis iactura, quam Patriæ, vtpotè qui non tibi sed Patriæ
 commodis natus, typum in Poloniam amoris reliquisti, morien-
 dum esse, vt illa viuat. Verum qui sciuisti Polonum Orbem com-
 ponere, scies & urbem Gedanensem. Balthici Maris Numen, quan-
 quam inter frigidas vndas, eferbuerat tamen in iras, exarserat in
 flammæ: iamq; decumanos suæ rabiei fluctus, deuoluere annite-
 batur (quanquam iis allueret tantum nostram Sarmatiam, non
 opprimeret). Sed vix sensit Gentilitiam Tuam Nauim appulisse,
 mox agitatam irarum Æoliam compescit, in preces minas, furo-
 res in amores conuertit, mitescunt fluctus, procellæ pacantur,
 tempestas detumescit, malitia in malitiam serenatur. Et profectò
 gauisa est vrbs sibi per te redditam esse serenitatem, suumq; ado-
 rata est solem, qui Tua operatione, oleam pacis produxisti. Vi-
 uit, ex ipsiq; sepulchralibus vmbriis enitescit LVCAS OPALENSKI,
 Mareschalcus Supremus Regni. Nec huic Lucæ sine Tauro esse
 contingit, quia non sine laboribus, pro integritate Patriæ exant'a-
 tis. Etiam hic Lucas posteritati depictam reliquit imaginem,
 nunquam oblitterandam, quia viuus virtutum coloribus pulchrius
 depinxit, quam vt quis facundissimus exprimat Oratoris calamus.
 Iisdem vestigijs instat huius Nominis secundus LVCAS OPALENSKI,
 à primo quia Honore non degener, nec nomine virtuteq; aborti-
 uus: cuius facta cum tot fasti loquantur, mihi silentium impo-
 nunt, venerationem tamen indicunt. In ingentem enim hæc
 pagina excresceret Iliadem, nec tamen imensitatem Vestræ Illu-
 strissimæ Domûs OPALENIÆ comprehenderem, quæ suâ amplitu-
 dine ipsos impleuit cælos. Compendium de vestris encomijs
 est animus necendi, non volumen. Non quidem vt possint ali-
 quibus conscribi orationis collectis, quæ suo incremento ipsa

Andreas
Opalenski
Castellanus
Callissiensis
cæditur in
syluis cum
Præmy-
slao Rege.

Tulliana excefferunt pneumata, sed quia virium mearum hæc mensura. Hucusq; præibant Mareschalcales Scipiones qui me ad Illustrissimos Castellanos & calamus meum deduxerunt. Conterminis gentibus buccina Fama **ANDREAM OPALENSKI** Castellanum Callissiensem, qui non alio conditus Mausolæo, quàm in pectore gratæ posteritatis. Tali monumento plerumq; sepeliuntur, quos ab iniuriosa vetustate, & inuidiosa fortibus viris obliuione vulnera amorem in Principem & Patriam loquentia distinguunt. Aliquando Præmyslaum Principem, ita duxit amor venationis, vt abduceret in sylvas sibi fatales: Nam casses in cassides, & casus vbi sensit commutari, non feras sed galeatos conclusit ceruos. Verum quo properas: ad necem forsant? dum enim feras insequeris, in ferocem Brandeburgiensium animos præda potita incidis: & syluestribus animalculis vitam erepturus, tuam deperdis. Sic est: Principum vitam esse vitream, quæ si cautiùs non custoditur, frangitur. Imo Struthio Princeps sit non quidem chalybe sed inter militarem viuat chalybem. Meliùs tamen, si propensi circa Principem agunt excubias ciuium animi, quàm Mercenarij vigiliarum enses. Ad arma, ad arma Sarmatæ pro Principe hic est standum ne cadat, moriendum vt superstes viuat. Solus **ANDREAS OPALENSKI**, animum contra hostem eleuat, vt deprimatur, arma attollit, vt hostis cadat: qui etsi ideò in campos Poloniæ effusus est, vt fundatur, exiuit, nè rediret, excurrit quia deerat domi à quo caderet: sed eò ipso quod imparibus viribus decertatur, infelicissima Belli alea vertitur. Etiam vt prælium felici coronetur euentu, numerus non est excludendus, præsertim si non nomina sed robora militum connumerat. Certum omen belli est, si castra quæ sunt viris cumulata, numero virium accedunt cumulatoria. **NICOLAVM OPALENSKI** cum numerosa hostium colluies, imò sentina obrueret, martios ignes & animam spirare desijt. Dormi (vix enim te mortuum credo, qui tot vitis hostibus ereptis, ingrata Sarmatiæ spiras recodatione) dormi cæse leo, hinc inde cumulatùs & tumultus lauris. Hæderam enim tantum porrexisti non laurum hosti. vtpotè non violento sed vinolento, quia ex Castris Bacchi. qui enim Tyrso pugnat, non hastâ, ei aridæ scopæ non laurus porrigendæ. Ast si in literis constituimus immortalitatem, in tumultu cæsi leonis hanc appendicem perennantis memoriæ suspendamus.

Legite & lugete

Si estis feracia virorum sæcula

NICOLAVS OPALENSKI Castellanus Callissiensis

Vt per literaria ora clarus iret,

armatus per hostes iuit.

Ab hoste sanguinem, à calamo atramentum.

pro

pro tributo sibi extorquens.
Sciuit citò victrices laurus arefcere ;
fi post cruoris hostilis perfusionem
atramento non humectantur.
Scilicet sudorem literarium esse radicale humidum,
quo si Heroes non nutriuntur ,
æternum in vita & recordatione •
Occumbunt.

Ipsis Bachi ferijs.
Cessit Marti in inferias.
Cum tot cyathos Mortis impleffet ;
Sanguine hostili,
etiam suum propinauit hosti in salutem Patriæ.
Et ipsis Bacho sacris temporibus profusionem sanguinis
non vini , Heroes volunt.
Hoc Martiali symposio inebriatus.
in ferali vrna decumbit in æternam noctem dormiturus.
Sicq; vbi festiua Bacho dies.
NICOLAO OPALENSKI PALATINO Callissiensis
nox atra mortis.

Nullam cognitionem intercedere Marti ,
cum Bacho Heros fato suo monstrat.
In syluis eodem ictu cædit hostem, & arbores
detruncat in Coronas virentes.
Ipse verò die Cinerum cæditur.
Memor suæ conditionis in puluerem redit.
In quo
nullum memento scribimus :
Quod Augustus cinis NICOLAVS OPALENSKI ita captibus,
impressit Hostium.
Vt nullâ vetustatis obliuione,
erodatur nec eradatur .

Viue PETRE OPALENSKI, per quem vt Polonia in pace
viueret, superi voluere. Legatus ad Ferdinandum Regem Vn-
gariæ, eum ita in pacem sanxit, vt etiam à posterioribus non dis-
soluatur Successoribus, ita fæderauit, vt & fæneraret. Si quis
citiùs nexus tum pacis explicatur in Bellum, hunc tamen, ad hæc
tempora nullus dissolauit, nec dissecuit Alexander ; quia vnione
animorum contextum. Facile enim & ipse fæderum Cyppus
disrumpitur, quem simulata ad amicitiam propensio colligauit.
Etiam eodem nodo, & Solimanum inclusisti, quem non diutur-
num spectauimus, eò quod non fuerit verus. Veram amicitiam
tempus probat, nec sub fucata illius larua, hostilis rabies diu la-
tere potest, tempore proditore. Addiscite quibuscunq; suppli-

cem se fingit hostis, non facit, cum tantum necessitate in necessitudinem ire, & vultum ad amicitiam componere, non studium. Veneror & Te superis carum Caput NICOLAE Miedzyrzecensis Castellane in ferro vir auree. Adoro IOANNEM Castellatum Rogozyensem, qui cum vel solo Nomine gratias spirat, omni refricanti se memoria, non potest esse non gratus. Dij te ament ANDREA Camenecensis Castellane, qui ita adamasti Patriam, ut ab illa omnia infortunia, ad Crucem tui tutelaris abigeres. Tibi in receptis debet, quod nulla poterat hostili appeti tentatione, hac munita Cruce Gratias hic lingua loquere, ubi iterum IOANNEM pronuntias Castellatum Miedzyrzecensem, cuius ob merita in Patriam longa erit saeculis pronuntiatio, nunquam brevis. Etiam apud gratam posteritatem incrementum suae gloriae habent, PETRVS & MATTHIAS Castellani Landenses, qui nunquam sine comite Fortuna visi sunt incedere. Iam binas asperimus Gratias, ne tertia abesset, IOANNES Castellanus Santocensis, hanc seriem Honoris coronat.

Vix primo Honoraria OPALENIÆ Domus ingressi sumus Triclinia, & iam penna quasi attrita, requiè reparari desiderat: sed quidquid tibi inest virium, enitere anime, palatinâ suadâ ad Palatinos. Eia iterum! inclama Fama, PETRVM OPALENSKI Palatinum Posnaniensem, qui verè Moschouitico Draconi stetit in rupem, ne virulenta infortuniorum in Poloniam eructaret flumina. Et sanè docuit petras erinaceorum & Draconum refugium, non esse, cum Moschouiticus Draco in Sarmatica Petra, tantum inuenit sepulchrum. Et quia mala hosti nil efficiunt, nisi cummulata fuerint, etiam aurum in interitum hostis armas, ex quo verè aureos conflas viros, ferrum à Patria propulsantes. Monstrasti posteritati quomodo Heroes possint esse aurei pietatis montes Patriæ, cum & tu non parvus es effectus auri cumulus. Maluisti tua expilare æraria, quam ab hoste Patriam: quæ tamen tibi omnium saeculorum recordatione, Fama impleuit. Nam

*Qui liberali spargit opes manu,
Seruat.*

Bono omine in Oratorium campum deueniunt, quia nec in Martio infaustis pugnabant alitibus, IACOBVS & CHRISTOPHORVS, Palatini Posnanienfes: quibus semper magna pro Patria negotiorum moles incumbibat. Testatur hoc suo Nomine omnem Poloniae felicitatem ferens, Christophorus, vel eo maior Atlante, quod non prius Poloni Poli baiulandam sarcinam, quam vitæ deposuisset. Obstupefcimus hic feracem Honorum Domum OPALENIAM, dum post tot purpurata Numina submisso poplite veneramur Petrum, Ioannem, Matthiam, maximos maioris Poloniae Generales: qui tamen ab alijs nullo magis excipiuntur, quam
singulari

singulari meritorum in Patriam numero. Compendiosa & Io-
annes Palatine Brestensis, his Generalibus accessisti appendix, qui
explicantia Tuum Martium robur in campis Kałusienfibus reli-
quisti Scholia, à successuris legenda sæculis. Adstitisti JOANNI
Tertio Serenissimo Poloniarum Regi non in deserto, sed Martiali
campo, quem animis & Fortuna inuicti Principis, cum non inue-
nisses fecisti desertum; Hostes verò disertos ad suos casus & clades,
non aliâ disciplinâ, quam bellicâ erudijsti.

Huc phalerata in suo decore suada, huc sacratior Apollo, huc *Petrus O-*
benignior Mars. PETRVM OPALENSKI PALATI-*palinski*
NVM CALISSIENSEM pronuntiamus: Suada orato-*Palatinus*
rium appone Calamistrum, adfer stybium. Emeritum ILLV-*Calissien-*
STRISSIMI PRÆSVLIS GENITOREM proloquimur, Apol-*sis Genitor*
lo dissolue enthusiasmum. Tot Bassarum Murfarumq; DOMI-*Illustrissi-*
TOREM admiramur, Mars virente lauro, in Cedris adamanti-*mi Præsu-*
bulq; ILLVSTRISSIMVM PETRVM OPALENSKI
DIGNISSIMVM, ILLVSTRISSIMI PRÆSVLIS GENITO-*lis.*
REM Bassarum Murfarumq; DOMITOREM exculpe.

P E T R V S O P A L E N S K I

PALATINVS CALISSIENSIS.

Maiorum suorum ingens syllabus & æternitatis pagina.

Qui cum Auorum Atauorumq; suorum expleisset,
paribus nomen decoribus,
adæquauit virtutem.

Suorum demum Posteriorum factus Author & Idæa.

Pueritiam necdum egressus & senium attigit,
non quidem ætate, sed moribus.

Verè Adultus Infans,

cui cum per annos non licuit ad Virtutem & Sapientiam
maturefcere,
animo maturuit.

Semper est ad eximia Augustarum cunarum precox Indoles:

à plebeio pectore eò distinguenda,

quod hæc sit tarda quærcus illa celer cucurbita,

Videlicet,

Generoso animo nec in Fascijs potest deesse,
gloriæ & laudis seges.

Egregij Naturæ partus plerumq; suo se nutu produnt.

Et in pannis Magni Animi semper est magnus
passus in gloriam

Et profunda vestigia in virtutem.

Adolescenciam Musis,

Virilitatem Marti consecrauit.

ibi Apollinarem,
 hic Martiam promeritus Lauream.
 Prius ad literaria Apollinis tela expositus,
 quam cruento pro scopo Marti.
 Semper fausto omine proludent Literariae laeuae,
 Martialibus.
 Cum sapientia etiam Martium robur maturescebat.
 In palaestra tamen nil magis didicit
 quam ut Patriam defenderet:
 cui cum se totum impendisset non suus factus, sed Patriae.
 Liberum tamen exercuit arbitrium,
 quoties Massagetis armis fuerat imperandum:
 imo verum eum OPALENIVM agnouerunt:
 Martio illius ardore vstulati.
 Et certe haec PETRA fuerat offensionis,
 Sed solis hostibus.
 Ad quam non iam pedes sed capita allidebant.
 Hic lapis etsi Patriae salubris
 Solis tamen Turcis sepulchralis.
 Scilicet
 Sarmaticae Aquilae hic æthites adiunabat Tartarum.
 Sed ad eadem.
 In quem Asiae Draco
 cum non posset virus, effudit animam.
 Et bene Petre in Orientem umbram porrexisti,
 à qua cum se sanari speraret, periit.
 Illustrissime PETRE OPALENSKI
 Vbiq; Tu Magnus.
 Nisi Maior FILIO fuisses, Illustrissimo Præsule
 quem Aris, te caelo destinasti;
 illum Infulis,
 Te gloriae dedisti.
 Magnum encomiorum argumentum, te tantum genuisse Fi-
 lium, in quo etiam post fata viuis. Et quid magnus Genitor po-
 terat edidisse nisi eximium. Nunquam enim leones parturiunt
 lepores, nec lynx damas. Raro cernimus eiusmodi sobolem, quæ
 à vitiosis Parentibus descisset, ortumq; suum in melius reuocasset,
 sed semper.

Polluta turpi progenie proles

Rarè sit equis aqua parentibus.

Ast Tu ILLVSTRISIME PRÆSVL, non tantum quod
 à Parente tulisti in vultum, expressisti in moribus, in animum
 traduxisti; sed etiam maiores Tuos ita repræsentas, ut nunquam
 defunctos credamus. Et quamuis

Facunda

*Facunda multas copia subripit,
 Celatq; laudes. Posterioribus
 Obstant priores, nec videri
 Tota potest sine fraude fama,
 Quam mille claris occupat ausibus
 Adulta virtus.*

tamen inter maiores Tuos ita emicas, vt & tu sis primæ magnitudinis sidus in Polono Polo. Videlicet secutus maiores Tuos virtute, quibus successisti dignitate. Egregia enim Antecessorum facinora, dedecori sunt Successoribus, si eadem non imitantur vel non corrigunt. In te NICOLAI & ANDRÆ OPALENSKI Præsulum Posnaniensium, liberalis in sanctuaria profusio, non sterilem sanctitatis sementem irrigauit. In Te PETRI OPALENSKI Antistitis Vladislauiensis matura sapientia, in Patriam amor, in Rempublicam gratitudo, indiuiduum se Tibi associauit comitem. Quomodo adhuc Gentilitiam Tuam Nauim lenis cognationis impellit aura: in cuius sanguinem cum influxeris, etiam in docora. Sieniauiorum & Danielouiciorum sidera, cynosuram ad honores tendenti agunt. Grzymaltowiorum & Grudzyniorum Turres, vt nullibi desleat nisi ad honores accendunt Pharos. Teczyniorum Ascia omnem lubricæ Fortunæ glaciē, ne Gentilitia Tua Ratis concutiatur disseccabit. Działyńsciorum Sagittæ ad quam honoris metam currendum esset demonstrant.

*Affinitas
 cum ma-
 gnis Pro-
 sapie illu-
 strissimæ
 Præsulis.*

Ac proinde poterat ne Tibi sinistra euenire nauigatio ILLVSYRISSIME PRÆSVL, qui suffragantibus virtute, & meritis, propitijs Maiorum Tuorum Numinibus, adspirante Affinitatis aurâ prouehebaris. Haud equidem. His ritè instructus non scyllas Charybdesq; iniquæ Fortunæ enauigabit, verum nullā inuidiæ Remoram cursum suum impredientem experietur. Iam ergo ILLVSTRIS-SIME PRÆSVL, ad Culmen se Honoris Emporium prouectus, cape inde Præsuleum capiti Tuo Decus; quod prius tuismet redimitum fuit meritis. vel in hoc non tritā Magnorum Præsulum iuisti semitā, quia non prius Pontificalibus voluisti coronari Mytris, quam benè meritis; vt nihil Fortunæ deberes sed virtuti. Et leuius hoc culmen Tuo capiti incumbet, cui prius suum meritorum incubuit pondus. Non tamen ita Tuis meritis hæc Præsulea Tænia reposita est, vt illa adæquaret sed irritaret, quasiq; Orexis esset ad sublimiora capitis fastigia. Dioclecienſis Infula prolusit Tibi ad Culmen sem Mytram, neq; hæc Coronis est, sed præambulum ad maiora Tuorum meritorum coronamenta. Semper sub ipsa merita Honor abit, quoties datur meritis extorquentibus. Ac

proinde nec nos in hoc profundo Honoris (cum adhuc in altum tendas) Gentilitio Tuo nauigio, iacimus anchoram, nec Honori scribimus

Periodum

282
282
282

4-20
1-14
1-4

160 - 7
4 - 26
8 - 4
★
182 - 7

82

20
14
- 4

